

Tafsiira Suuratu Ar-Ruum-Kutaa 11

Description

Jireenyi tuni iddoo qormaataa waan taatef namoonni hundu takkaa qananiin takkaa immoo rakkoon qoramu. Kuni wanta keesso isaanii keessa jiru (haqiqaa isaanii) ifatti baasa. San booda wanta isaanirraa mul'ate irratti hundaa' un jazaa argatu. Namoota keessaa nama yeroo rakkoon isa tuqxu gara Rabbii deebi'ee Isatti warwaatutu jira. Garuu akkuma rakkoon isarraa kaate fi qananiin Rabbiin irraa isaaf dhufteen, qanani argate kana waakkata. Rabbii rakkoo keessaa isa baasef galata galchuu dhiisee wanta fokkuu kan akka shirkii hojjata. Namni yeroo rakkoo fi qanani haalli isaa akkam akka ta'ee aayaata armaan gadi keessatti of ilaalu danda'a:

﴿وَإِذَا مَسَّ النَّاسَ ضُرٌّ دَعَوْا رَبَّهُمْ مُنِيبِينَ إِلَيْهِ ثُمَّ إِذَا أَذَقَهُمْ
مِنْهُ رَحْمَةً إِذَا فَرِيقٌ مِنْهُمْ بِرَبِّهِمْ يُشْرِكُونَ ﴿٣٣﴾ لِيَكْفُرُوا بِمَا
ءَاتَيْنَاهُمْ فَتَمَتَّعُوا فَسَوْفَ تَعْلَمُونَ ﴿٣٤﴾﴾

Yommuu namoota rakkoon tuqu, gara Isaatti deebi'uu Gooftaa isaanii kadhatu. Ergasii yommuu rahmata Isarraa ta'ee isaan dhandhamsiise, isaan keessaa gareen wayii yoosu Gooftaa isaanitti waa qindeessu. Wanta isaaniiif kennine waakkachuuf [kana godhu]. Qanani'aa! Gara fuunduraatti ni beektu. Suuratu Ar-Ruum 30:33-34

Kana jechuun yommuu rakkoo fi balaan namoota tuqe, akka rakkoo isaan irraa kaasuu Gooftaa isaanii qofa kadhatu. Garuu yommuu Inni isaaniiif rahmata godhee rakkoo isaan irraa kaasuu, isaan keessaa gareen wayii yoosu gara shirkii deebi'uu Rabbiin waliin wanta biraa gabbaru[1]

Asitti rahmanni barbaadame faallaa rakkoo kan ta'eedha. Fakkeenyaaf, rakkoon nama tuqe hoongee yoo ta'ee, rahmanni roobaa fi oomisha. Ammas, rakkoon dhibee yoo ta'ee, rahmanni fayyaadha. Hiyyummaa yoo ta'ee, rahmanni durummaadha[2]

Wanta isaaniiif kennine waakkachuuf [kana godhu]. Kana jechuun qanani isaan qananiise waakkachuuf yoosu Gooftaa isaanii waliin waan biraa gabbaru. (Rabbiin subhaanahu wa ta'aaalaa erga rakkoo namarraa kaase wanti namarraa eeggamu Isa qofa gabbaruun galata Isaaf galchuudha. Namoonni kunniin immoo Isaan ala wanta biraa gabbaruun galata Isaaf galchuu didu. Hojiin isaanii kuni hojii gantuu fi waakkanaa waan ta'ee itti aansun akkana jechuun itti zaate):

â€œQananiâ€™ma! Gara fuunduraatti ni beektu.â€™Kana jechuun yaa namoota! Qanani fi balâ€™inna addunyaa tana keessatti isiniif kenninetti fayyadamaa. Guyyaa Qiyaamaa yommuu fuunduree Gooftaa keessanii dhuftan, sababa Isatti kafartaniif adabbii cimaa isinitti buâ€™u ni beektu.[3]

Rabbiin ala wanta biraa gabbaruun (waaqefachuun) sirrii taâ€™uu ragaan agarsiisu hin jiru

أَمْ أَنْزَلْنَا عَلَيْهِمْ سُلْطَانًا فَهُوَ يَتَكَلَّمُ بِمَا كَانُوا بِهِ يُشْرِكُونَ ﴿٣٥﴾

â€™Sila ragaa wanta Isatti qindeessaa turan dubbatu isaan irratti buusneeâ€™ Suuratu Ar-Ruum 30:35

Kana jechuun sila mushrikoota kanniin irratti ragaa ifaa fi kitaaba shirkiin isaanii sirrii taâ€™uu dubbatu buusnee jirraa? Jecha biraatin: Sila kitaaba shirkii isaanii deeggaru, mirkaneessu fi â€™eshirkiin haqaâ€™ jedhu buusnee jirraa? Deebiin: kitaaba akkana jedhu homaatu hin buusne.[4] Asitti shirkii jechuun Rabbii oltaâ€™aan ala wanta biraa waaqeffachuudha.

Namoonni Rabbiin ala wanta biraa gabbaran (waaqefatan) ragaa shirkiin isaanii sirrii taâ€™uu ittiin mirkaneessan hin qaban. Ragaan sammuu fi shariâ€™aa shirkiin isaanii soba taâ€™uu agarsiisa. Ragaan sammuu: samii, dachii fi wantoota isaan keessa jiran hunda kan uumee fi tooâ€™atu Rabbii oltaâ€™aa tokkicha. Homtu Isa waliin qooda hin fudhanne. Kanaafu, haqaan gabbaramu kan qabu Isa qofa. Ragaan shariâ€™aa immoo: Rabbiin subhaanahu wa taâ€™aalaa kitaaba â€™Shirkiin (Rabbiin ala wanta biraa gabbaruun) sirriidha.â€™ jedhu gonkumaa hin buusne.

Kanaafu, namoonni Rabbiin ala wanta biraa gabbaran (waaqefatan) wanti isaan amananii fi hojjatan hundi baaxila (soba) jechuudha. Kana sirritti mirkaneeffadhu.

Qananiitti gammaduu, ergasii yommuu rakkoon nama tuqxu abdi kutuu

وَإِذَا أذَقْنَا النَّاسَ رَحْمَةً فَرِحُوا بِهَا وَإِنْ تُصِيبُهُمْ سَيِّئَةٌ بِمَا قَدَّمَتْ أَيْدِيهِمْ إِذَا هُمْ يَقْنَطُونَ ﴿٣٦﴾

â€™Yommuu namoota rahmata dhandhamsiifne, ishiitti gammadu. Sababa wanta harki isaanii hojjateen yoo hamtuun isaan tuqxe, yeroma san isaan abdi kutu.â€™ Suuratu Ar-Ruum 30:36

Gabroota Isaa qoruu keessatti seera Rabbi keessaa tokko wanta isaan gammachiisuu fi isaan gaddisiisuun isaan qoruudha. Yeroo garii sababa badii hojjataniin isaaniif adabbii akka ta'uuuf wanta isaan rakkisu isaanitti buusa.

Yommuu qanani bu'aa rahmataa Isaa irraa ta'ee isaan dhandhamsiisee, gammachuu of tuuluu ni gammadu. Kaafironni fi namoonni iimaanni isaani dadhabaa ta'ee yommuu Rabbiin qabeenya, fayyaa fi wanta isaan jaallatan biroo isaaniif kennu, garmalee gammaduun of tuulu. Rabbiif galata galchuu dhiisanii nafsee ofii keessatti of dinqisiifatu, Beekumsa fi tooftaa kiyyaan kana argadhe. Jedhu. Ammas, haqa irraa of tuulu. Rabbi olta'aa gadi jechuu fi ajajamu hin barbaadan. Namoota biroo irrattis of tuulu. Garuu yommuu sababa badii hojjataniin wanti jireenya isaanitti hammeessu isaan tuqe, yoo abdi kutu. Ammaan booda waan gaarii hin argadhu ykn rakkoon narraa hin deemu jechuun abdi muratu.

Kuni haala namoota baay'eti. Faallaa kanaa, mu'mintoonni yeroo waan gaarii argatan Rabbiif galata galchu. Yommuu rakkoon isaan tuqxu immoo obsuun Rabbi olta'aa abdatu. Akkuma Ergamaan Rabbi (sallallahu aleyh wassallam) jedhan: **Dhimmi mu'minaa ajaa'iba. Dhugumatti, dhimmi isaa hundi kheeyrii (gaaridha). Kuni mu'minaaf malee eenyufillee hin ta'uu. Yoo wanta gammachisaan isa tuqe, ni galateefata. Kanaafu isaaf gaarii ta'a. Yoo rakkoon isa tuqe, ni obsa. Kanaafu, isaaf gaarii ta'a** Sahiih Muslim 2999

Rabbiin nama fedheef rizqii bal'isa, kan fedhe immoo itti dhiphisa

أَوَلَمْ يَرَوْا أَنَّ اللَّهَ يَبْسُطُ الرِّزْقَ لِمَنْ يَشَاءُ وَيَقْدِرُ إِنَّ فِي ذَلِكَ لَآيَاتٍ
لِّقَوْمٍ يُؤْمِنُونَ

Sila Rabbiin nama fedheef rizqii akka bal'isuu fi dhiphisuu hin arginee? Dhugumatti, kana keessa namoota amananiif mallattooleetu jira. Suuratu Ar-Ruum 30:37

Sila namoonni hin beekanii?: Rabbiin jireenya qormaataa keessatti isaan qoruuf jecha nama fedheef rizqii bal'isa. Galata ni galcha moo hin galchuu? Gama biraatin, obsa isaa, wanta isa ittiin qore keessatti Rabbiin irraa jaallachuu, osoo gara nama rizqii bal'iseef ija hinaaffitiin hin ilaaliin tola Isaa irraa akka isa duroomsuuf Gooftaa isaa kadhachuu isaa qoruuf nama fedhe irratti rizqii ni dhiphisa. [5]

Nama rizqii bal'iseef Gooftaa isaatiif galata galchu ykn galchuu dhiisu isaa ifatti baasuf rizqii bal'oo kennaaf. Nama rizqii itti dhiphisee immoo obsa isaa ifatti baasuuf rizqii itti dhiphisa.

Sila hin arginee? Asitti gaafiin mirkaanessuufi. Kana jechuun namoonni dhimmoonni harka Rabbi azza wa jalla akka ta'an ni beeku. Inni nama fedheef rizqii bal'isa, ni dhiphisa. Kanaafu, yommuu hamtuun (rakkoon) isaan tuqxu akkamitti abdi kutuu? Ammas, yommuu rahmanni isaan tuqu, akkamitti of jajuu? Kana irra, dirqamni isaan irra jiru kuni Rabbiin irraa hikmaan (ogummaadhaan) akka

taâ€™Mee beekudha.

â€™Dhugumatti, kana keessa namoota amananiif mallattooleetu jira.â€™

Kana jechuun rizqii balâ€™isuu fi dhiphisuu kana keessa namoota Rabbiitti amananii fi ogummaa fi rahmata Isaa beekaniif mallattooleetu jira.

Rizqii balâ€™isuu fi dhiphisuu keessa Rabbiin azza wa jalla gabroota Isaa keessatti tooâ€™Mannaa guutuu akka qabu mallattoo agarsiisutu jira. Yeroo namni rizqii argachuuf karaa hunda hordofuu fi carraaqutu jira. Garuu kana waliinu, qabeenya baayâ€™Mee hin argatu. Rizqiin isatti dhiphatti. Gama biraatin, namoota keessa nama xiqqoma carraaqe qabeenya baayâ€™Mee argatutu jira. Kuni kan agarsiisu, dhimmoonni hojjachuu qofaan hin argaman. Hojjachuun sababa. Garuu kanaa ol fedhii Rabbiitu jira. [6]

Namoota amanaman qofatu mallattoolee kanniin hubata. Akkasumas, isaan qofatu haqiiqa (dhugaa) rizqii balâ€™isuu fi dhiphisuu keessa jiru beeka. Namoonni Rabbi oltaâ€™Maatti amanaman â€™Rizqiin balâ€™achuu fi dhiphachuun fedhii Rabbiitin taâ€™Ma. Rizqii kan balâ€™isuu fi dhiphisuuf namoota qoruufiâ€™ jechuun amanu. Namoonni Rabbiitti hin amanne immoo rizqiin balâ€™achuu fi dhiphachuun sababa qofaan wal qabsiisu. Rizqiin balâ€™achuu fi dhiphachuun namootaaf qormaata akka taâ€™Me hin beekan. Kanaafi, yeroo qabeenya baayâ€™Mee argatan of tuulu. Yeroo dhaban immoo abdi kutu.

Rizqiin balâ€™achuu fi dhiphachuun namootaaf qormaata.

Yeroo rizqiin namaaf balâ€™Mattu â€™Namni kuni Rabbiif galata ni galcha moo hin galchuu?â€™ jechuun ni qorama. Yommuu rizqiin dhiphattu immoo, â€™Namni kuni ni obsa moo hin obsu? Murtii Rabbiitti ni gammada moo hin gammadu? Rabbiif jedhe haraamatti harka ni diriirsa moo of qabaa?â€™ jechuun qorama.

Maddoota:

[1] Tafsiir Muyassar-fuula 408 [2] Tafsiir Qurâ€™aanil Kariim-Suuratu Ar-Ruum, fuula-20 [3] Tafsiir Xabarii-18/499-500 [4] Tafsiir Muyassar-408, Tafsiir Qurâ€™aanil Kariim-Suuratu Ar-Ruum, fuula-207 [5] Tafsiir Muyassar-408, Maâ€™Maariju tafakkuri wa daqaaâ€™iqu tadabburi-15/16 [6] Tafsiir Qurâ€™aanil Kariim-Suuratu Ar-Ruum, fuula-220-222

Date Created

September 17, 2020

Author

admin